



S konferencije: Skup u Sarajevu traje tri dana

(Foto: S. Jordamović)

Konferencija o Dejtonu u Sarajevu BiH su sada potrebni vizija i jako vodstvo

Dimitrij Rupel upozorio da u promjenama Ustava treba biti pažljiv

Predsjedavajući OSCE-a i slovenski ministar vanjskih poslova Dimitrij Rupel izjavio je jučer u Sarajevu, otvarajući konferenciju posvećenu desetogodišnjici Dejtonskog sporazuma, kako će pripremanje BiH za integraciju u EU biti najveći izazov međunarodne zajednice i bh. vlasti u narednom periodu.

Prava naroda

Rupel smatra kako početak pregovora s EU o Sporazumu o stabilizaciji i pridruživanju predstavlja novi početak za BiH, ali upozorava da je proces evropskih integracija dug put i da zahtijeva teške političke odluke.

- BiH su sada potrebni vizija i jako političko vodstvo - istaknuo je Rupel na otvaranju trodnevne konferencije „Dejton - deset godina poslije: rješavanje konflikta i perspektive za saradnju“, javila je Fena.

Rupel je upozorio i da u promjenama Ustava treba biti pažljiv kako se ne bi umanjila prava sva tri naroda, jer se tako neće unaprijediti djelotvornost države.

Predsjedavajući Predsjedništva BiH Ivo Miro Jović istaknuo je kako BiH ne može sistemski rješavati svoje političke, socijalne i privredne probleme sve dok ne bude usvojen novi ustav koji

Nema zamjene RS za Kosovo

Predsjedavajući OSCE-a Dimitrij Rupel poručio je „svim nedobronamjernima u regionu“ da neće biti zamjene Republike Srpske za Kosovo.

On je istakao da budućnost Srbije, Crne Gore i Kosova, ali i BiH jeste isključivo unutar konteksta EU.

će s jedne strane garantirati učinkovitu političku administraciju, a s druge sva građanska prava, te nacionalnu ravnopravnost svih naroda u BiH.

Jača država

Visoki predstavnik za BiH Paddy Ashdown (Paddy Ashdown) mišljenja je da Dejtonski sporazum ne treba napuštati, već nadograđivati i modernizirati. Treba jačati, kako je naglasio, državne institucije, kao što je Vijeće ministara BiH, te težiti stvaranju funkcionalne i djelotvorne države.

On je upozorio kako u procesu evropskih integracija međunarodna zajednica ne može raditi umjesto bh. vlasti, te da BiH sada mora preuzeti puno vlasništvo nad procesom reformi.

Donacija BiH stigla u Pakistan

Pošiljku uručio ambasador Džanko

Donacija BiH Pakistanu, koji je bio pogođen zemljotresom, u vrijednosti većoj od 400.000 eura, a koja je dopremljena avionom NATO-a, uručena je jučer u Ministarstvu zdravlja IR Pakistan, saopćeno je iz MVP BiH.

Pošiljku je uručio ambasador BiH u Pakistanu Damir Džanko,

na čemu se zahvalila državna ministrica Begum Shahnaz Sheikh u ime Ministarstva zdravlja. Pošiljka sadrži 2,5 tona lijekova, medicinske opreme i pomagala, a donatori su „Bosnalijek“ i „Neretva“ iz Sarajeva, „Saniteks“ iz Velike Kladuše, te Zavod za transfuziologiju Sarajeva.

Akcija SIPA-e po nalogu tužioca Džonatana Ratela Uhapšeni Mirko Šarović i Milorad Govedarica, Cicko Bjelica se predao

Robinson još u junu pokrenula parnice i dokumentaciju o kriminalu predala Tužilaštvu BiH • Uhapšeni u kancelariji gradonačelnika Istočnog Sarajeva

Agencija za istrage i zaštitu (SIPA) jučer je, po nalogu Tužilaštva BiH, uhapsila Mirka Šarovića, bivšeg člana Predsjedništva BiH, i Milorada Govedaricu, bivšeg direktora Direkcije robnih rezervi RS i preduzeća „Matres“.

Oni su uhapšeni u sklopu istrage u slučaju „Privredna banka Istočno Sarajevo“.

To informaciju saznali smo jučer u pauzi suđenja Draganu Čoviću. Tako je u predmetu Momčila Mandića došlo do nenadanog preokreta.

Podrška EUFOR-a

Uz Šarovića i Govedaricu, na optuženičkoj klupi naći će se i Milovan Cicko Bjelica, nekadašnji direktor Direkcije SDS-a i predsjednik Skupštine općine srpsko Sarajevo, kojeg su pripadnici SIPA-e

Šta je s Kalinićem?

Osim Šarovića, Govedarice i Bjelice, u svim optužbama zbog afera u Privrednoj banci Istočno Sarajevo spominjao se i bivši predsjednik NSRS Dragan Kalinić. Protiv njega je također pokrenuta građanska parnica, ali se tokom jučerašnjih hapšenja nije spominjao.

Kako nezvanično saznajemo, Kalinić se već duže vrijeme nalazi u Beogradu.

također jučer namjeravali uhapsiti u njegovoj kući na Sokocu, ali ga nisu pronašli. On se, međutim, sinoć predao Tužilaštvu BiH.

SIPA je potvrdila da je izvela



Šarović: Susret s Robinsonom



Ratel: Danas saslušanje

operaciju hapšenja po nalogu Tužilaštva, u čemu joj je asistirao EUFOR.

Hapšenja su povezana s kriminalnim aktivnostima bivših čelnika SDS-a u Privrednoj banci Istočno Sarajevo, a prema nepotvrđenim podacima, moguće je i proširenje optužnice za podršku mreži ratnih zločinaca.

Kako saznajemo od gradonačelnika Istočnog Sarajeva Radomira Kezunovića, Govedarica i Šarović odvedeni su nakon susreta sa privremenom upraviteljicom Privredne banke Istočno Sarajevo Tobi Robinson (Toby Robinson).

- Na razgovore u moju kancelariju pozvala ih je Robinson zbog vansudske nagodbe u slučaju „Matres“ - izjavio je Kezunović za Srnu.

Njih će danas saslušati državni tužilac Džonatan Ratel (Johnatan Rattel) i zatražiti izricanje pritvora.

Osnovni sud na Sokocu prije dvije sedmice naredio je SDS-u

Novac podizan u kešu

Robinson je ranije potvrdila da je Privredna banka Istočno Sarajevo imala šablon po kojem su čelnici SDS-a uzimali kredite i nisu ih vraćali.

- Bjelica je potpisivao nalo-

ge za isplatu. U jednom navratu potpisao je i sam podigao 130 hiljada maraka u kešu u filijali Banke u Beogradu - kazala je Robinson u junu kada je najavila pokretanje parnica.

Posebni odjel za ratne zločine Tužilaštva BiH

Sudu BiH podnesena optužnica protiv Radovana Stankovića

Posebni odjel za ratne zločine Tužilaštva BiH podnio je jučer Sudu BiH prilagođenu i dopunjenu optužnicu protiv Radovana Stankovića. Prilagođena optužnica podnesena je u roku koji je Sud odredio i taj njen dio se ne potvrđuje.

Što se tiče dvije dodatne tačke optužbe kojima je postojeća haška optužnica proširena, njih mora potvrditi sudija za prethodno saslušanje u zakonskom roku, saopćeno je iz



Stanković: Silovanje i zlostavljanje žena

Službe za odnose s javnošću Tužilaštva BiH.

Nakon što prihvatiti prilagođenu optužnicu, odnosno potvrdi nove tačke, Sud BiH će u daljem postupku primjenjivati procesne zakone naše države. Stankovića je Haški tribunal optužio za

zločine protiv čovječnosti i kršenja zakona i običaja ratovanja počinjene na području Foče.

U optužnici se navodi da je zajedno sa drugim srpskim vojnicima bio zadužen za kuću u kojoj je bilo zatočeno najmanje devet žena i djevojaka bošnjačke nacionalnosti koje su podvrgnute stalnim silovanjima i seksualnim zlostavljanjima. Prema navodima optužnice, Stanković je silovao najmanje dvije žene. A. M.

Kontra / stav

Dragan Čavić, predsjednik SDS-a

- Iznenaden sam najavom, ali nemam ništa protiv da se PDP distancira od nas. Vrijeme je da se riješimo političkih parazita iz PDP-a.

Zoran Tešanović, član GO PDP-a

- Čavićeva izjava pokazuje kakvo su mišljenje on i SDS imali o PDP-u, ali i koliko smo bili u pravu što smo uskratili podršku SDS-u.

LOTO 4 10 18 26 28 30 JOKER 864080